

Hist. 6. 6. 11

I. F.  
LYCURGI  
LEGUMLATORIS SPARTANORUM  
INSTITUTA  
NONNULLA,

IN ACTU GYMNASII MAGDALENÆ  
OB PRÆMIORUM DISTRIBUTIONEM  
SOLENNI,

*Anno Christiano MDC LXXII.*

*a. d. X. Novembris, hor. ab VIII. matut.*

EXERCITIIS DECLAMATORIIS  
A DELECTA JUVENTUTE

explicanda,  
procurante,

M. JOHANNEFECHNERO.



---

VRATISLAVIÆ,  
In Hæredum BAUMANNIANORUM Typographiâ  
exprimebat JOH. CHRISTOPH. JACOBI.





## Lectoribus Salutem dico plurimam.

**A**m illustria mascula virtutis documenta dederunt quondam Spartani, ut qui illa ex antiquitatis erudite monumentis recitari audit, in maximam rapiatur admirationem. Nam civium bonorum officia non ore, non inani verborum strepitu crepabant, sed opere consummato exequi & ope strenuâ patriæ salutem tueri unicè contendebant. Frugali victu & jugi labore ad asperiora belli studia ab ipsis incunabulis & lacte materno enutriti ac corroborati, præsentissimum mortis, pro adserendâ civitatis suæ incolumitate, periculum subire neutiquam formidabant. Et ut ipsorum generoso incocta honesto pectora, quæ sola erant urbis Spartanae mœnia, non corrumperentur, duram à pueris adsveti pauperiem pati, blandas illas voluptatum pellecebrosarum altrices divitias excelsa ab se spernebant animo, ac merces peregrinas multis redemptas precibus in contubernium suum non admittebant. Cumque belli potissimum spectarent gloriam, adspernabantur omnes eas cæterorum Græcorum disciplinas, quæ juvenum animos emasculare, & à verâ virtute, id est fortitudine (hanc enim in principe virtutum censu reponebant) ad ociosam ostentationem & ignaviam industriæ pestem traducere videbantur. Litteras quidem discebant, sed ad usum; non scholæ, sed vitæ discendum, providenter arbitrati. Ideo ludicras artes, quæ tantum ad oculos, aures & mentes oblectandas faciunt, cum professoribus illarum urbe suâ in perpetuum exulare jubebant. Nihil loci apud illos erat Sophistis nugivendis, qui extemporali loquentiâ



*Et arguta dicacitate non laudanda laudantes, fucum faciebant populo. Nihil dabant oculi pantomimicis histrionum spectaculis, in quibus furta, stupra, adulteria aliaque scelerum monstra, quae Leges viderant, publicum in proscenium turpibus in personis contuenda producebantur: Scilicet his juventutem in vitium flecti lubricam facile corrumpi sciebant. Sic omnes eorum mores, omnes actiones, omnia studia genuinam spirabant et viris dignam severitudinem, quam etiam jucunda et voluptati concessae destinata temperare norant. Venerem non nudam et uti solo natali emerferat, sed instar Palladis pingebant armatam. Musicae illud genus molle, quod eroticam modulatione lumbos ad saltationem Ionicam suscitavit, penitus aversabantur, heroicis solum numeros hymnosque, qui acri sono animos ad pugnam fortiter incendam instimulant, approbantes. Hujusmodi erant carmina Tyrtaei, quibus viri strenui, qui pro Sparta occubuerant, celebrantur beati. In summam seriam ubique gravitatem exerebant, et virtutem germanam non supercilioso vultu, sed inclytis gestis praebeant spectandam, atque ex his nullum praeter honestam famam expetebant opera precium.*

*Quis itaque non miretur talia ac tanta praestitisse illos rudes artium Atticarum et exoticarum Lacones, qui nec austera Stoe praeceptis, nec Socraticis sermonibus erant imbuti? Nimirum ab iis, a quibus fuerant nati, cupiebant erudiri. Quae autem erant illa acroamata, quae a parentibus subinde excipiebant juniores? Hec scilicet: Legibus patriis praestare obsequium, parete Ephoris et ceteris magistratibus, colite senes, ut alteros parentes, patienter tolerate labores, constanter perferte pericula, domi frugaliter vivite, in bello rem fortiter pro patria gerite, in praelium contra hostes prodite vel victuri vel morituri. Hec inquam, erant acroamata Laconica, ex Lycurgi Nomothetae gravissimi prudentissimique Rhetris sive Institutis derivata. Hic unice intentus Reipublicae saluberrimis Legum praescriptis munienda ac stabilienda, ad educationem juventutis recte et exacte formandam firmandamque praecipua consilia, praecipuas curas conferebat. Non enim ignorabat Laconum hic cordatissimus, ex prava institutione praevidens pueros, peiores adolescentes, pessimos viros evadere, et sic malorum civium corruptissimos mores grandibus civitates integras mactare malis. Quamobrem*  
*patrie*



patria suae incolumitati bene consultum cupiens, teneram illam aetatem non in deliciis, quae virtutis generosa pestes certissimae, exigendam frangendamque, sed arte & contentè censebat habendam. Nam pueros gremio materno quasi ereptos in rus ablegabat, ut inibi vitam voluptatum mollicularum expertem agentes, ac frugali victu alii, pabula vitiorum, opes opimas respuerent, assiduisque laboribus edurati ad patientiam & infractam in erumnis periculisque sustinendis constantiam, virile corporis ac animi robur maturè colligerent. Ita fore credebat, ut iuventus Spartana ex agrorum redditu honestam, quanquam exilem, quæstum capeffens, paupertatem fortitudinis instigatricem à teneris coleret ungviculis, & divitias peregrè terrâ marique conquistas neglectim haberet & contemtim. Quare peregrinari juvenes & commerciorum gratiâ externas adire nationes, ne peregrinis cum opibus peregrinos mores inferrent, serio prohibebat. Rure demum cum virilem habitum jam induissent, in urbem revocatos in palestrâ armis subinde tractandis exerceri & praeludiis agonalibus ad bellum parari jubebat. Non enim cives tantum bonos & incolas industrios, sed & strenuos bellatores fortissimosque propugnatores Lacedæmon tot undique hostibus amulisque, qui libertati ejus insidiabantur, cincta postulabat; postulabat, inquam, non homines solum, sed viros; non Mercuriales, sed Martiales, qui contra quoscunque adversarios arma semper haberent in mundo, in promptu, ut in aciem progressi, cum iisdem non ad portas civitatis, sed aperto in campo collatis confligerent signis, è pugna infatigabili non recessuri, nisi hostium vim vi aut victrice, aut vindice aris & focis patriæ defendissent. Ac ne receptaculum ex acie profugientes & ignavia asylum timidi reperirent, idem Lycurgus urbem non saxeâ mœniorum mole, sed vallo mediocriter, saltem exaggerato voluit præmunitam. Nam quid profunt propugnacula eductis in altum muralium carritarumque minarum substructionibus coronata, nisi sufficienti & numeroso militum fortissimorum præsidio fuerint instructa? Scilicet ab hostibus subitaneo impetu intercepta & occupata certissimum inferunt exitium regioni, cujus in tutelam olim erant condita: quod priorum seculorum memoria & nostri quoque temporis experientia facit testatissimum. Spartani itaque armati adversus hostes ibant, non expectantes illo-



rum ad urbem accessum; Ibant autem non tanquam in bellum, sed in praelium, patriæ salutem, quæ suprema lex est bonis civibus, omni virium contentione propugnaturi. Tales verò ut essent illi, id est fortissimi civitatis suæ defensores, provida mens Lycurgi procuraverat, dum virtutis bellicæ obstacula divitias & delicias molles eos procul habere iussit. Eodem modo & Romani illi antiquissimi, quibus horrida paupertas in præcio adhuc erat, duces, qui sterile Pupinia solum versabant, ab aratro evocabant ad dictaturam, & confecto velociter & feliciter bello, in rus suum colendum dimittebant triumphales illos aratores. Horum verò ope magis magisque Romanæ crescebant vires, quæ deinceps eum Asiâ devictâ Attalicæ opes in urbem essent invectæ, cumque illis luxus diditiarum depopulator, decreverunt paulatim tandemque barbarorum invasionibus fuerunt obruta. Idem accidit Lacedæmoniis, cum Lysander gente, non mente Spartanus, & non minus perfidiâ, quam fortitudine notus, occupatis Athenis, pecuniam Atticam in civitatem intulisset: Tunc enim excusâ frugali paupertate, & opibus illius in locum cum deliciis receptis, animi illi Martiales langvescere, viresque Spartanæ, quæ prius invictæ videbantur, à Thebanis primum in pugna Leuctricâ attrita, ac demum à Regibus Macedonia dejecta expirarunt. Hunc eventum sortita est Respublica illa clarissima, quæ quamdiu à Lycurgo Leges latas obsequio pertinaci servavit, per septem fermè secula viris & viribus fortissimis floruit incolumis, & contra quoscunque hostes perstitit insuperabilis.

Leges hæc Lycurgi Plutarchus Græcarum antiquitatum Stator nobilissimus partim in rapsodia de Vitâ Lycurgi, partim in libello de Institutis Laconicis exposuit & eruditè communicavit posteritati. Præcipuas verò illarum & selectiores, quæ juventutis exactam institutionem potissimum spectant, Justinus Lib. 3. Epitomes Historiæ cap. 2. & 3. recensuit: Quæ digna nobis sunt visæ, ut in eisdem explicandis commendandisque Adolescentes quidam & alumni Gymnasii nostri delecti ingenii & eloqui viriculas periclitarentur. Idque Die crastinâ, Deo clementer annuente, in Actu declamatorio, quem Magnificus Amplissimusque Senatus noster ob præmia, juvenilis & puerilis industriæ tam excitandæ, quam remunerandæ gratia distribuenda, solennem esse voluit, exequi meditamur, producturi nonnul-



nonnullos ex discipulis nostris, qui de Institutis Laconicis, non quidem Laconicâ vel Atticâ, sed simplici & contractiori Svadâ conceptas & sine manuactione præceptoris ab ipsis elaboratas Declamationes recitabunt.

*A Vobis itaque Viri Magni, Clari, Boni; Domini & Patroni colendissimi, Fautores & Amici honoratissimi, eâ quâ par est, observantiâ contendo, ut Cras horâ in frontispicio indictâ Acroaterium Gymnasii nostri invisere, ac honorificâ suâ præsentia & proclivi in auscultando faventiâ Declamatores nostros animare non dedignemini. Mea quidem tenuitas æquivalens officiosæ promittitudinis hostimentum reddere nescit: Attamen obsequii, observantiæ & amoris reciproci studium in me langvescere non patiar, Deum Opt. Max. suppliciter orans, ut Vos tempestate hac turbulentissimâ sub alâ potentie suæ immensa incolumes incolumi in civitate conservet, & à totâ Silesiâ clades bellicas, quibus vicini populi infestantur, clementissimè avertat. P. P. A. C. 1672. Die Novembris 9. quo Annus ætatis meæ 68. claudo, cras, Deo volente, 69. ingressurus.*

### Prodibunt ad dicendum...

I. Prologus, Christophorus Güssow Vratislaviensis.

II. Declamatores, exposituri Instituta quædam Lycurgi, à Justino L. 3. c. 2. & 3. enotata & in formam Thematum redacta.

1. Plus apud bonos pietatis jura, quam omnes opes valere debent:

*Sigismundus Wihl / Goldbergensis.*

2. Leges in tutelam Reipublicæ à Magistratu sunt instituendæ:

*Balthasar Stephani, Bregensis.*

3. Nihil Lege ullâ in alios sancit Magistratus

bonus



bonus, cuius non ipse primus in se det documenta:

*Johannes Seffnerus, Vratislaviensis.*

4. Populus in obsequia Principum sedulo formandus est:

*Johannes Zennerus Fürstenwald. Marchiacus.*

5. Parsimonia omnibus, praesertim juvenibus serio mandanda est:

*Zacharias Regius Vratislaviensis.*

6. Laborem militiae assidua frugalitatis consuetudo faciliorem reddet:

*Johannes Küntzelius, Leobergensis.*

7. Magistratui custodia Legum & administratio Justitiae est demandanda:

*Christianus Bannerus, Olsenas.*

8. Juvenes non amplius una veste toto anno utantur, nec quisquam cultior, quam alter, progrediatur:

*Johan. Albertus ab Heigel.*

9. Pueri puberes non in forum, sed in agrum deducantur, ut primos annos non in luxuria, sed in opere & labore agant:

*Johannes Neunherg / Schmidebergensis.*



10. Virgines sine dote nubant, ut uxores eligantur, non pecuniæ:

*Georgius Memmigerus, Vratislaviensis.*

11. Maximus honor non divitum, sed pro gradu ætatis senum esse debet:

*Christianus Ernestus Creutzmannus, Strelensis.*

12. Urbes potius fortium virorum viribus, quam muris sunt muniendæ:

*Daniel Fritschius, Vratislaviensis.*

III. Pueri Instituta alia Laconica à Plutarcho congesta recitaturi,

*Zacharias Strauß / Vratisl. Johannes Gottlieb Etzlerus Vratislav.*

*Gotofredus Gahn / Schwidn. Zacharias Baude-  
man / Vratislav.*

IV. Puelli Themata à superioribus exposita Germanicè versa pronunciaturi,

*Johan. Georgius Hoppe / Vrat. Georgius Fridricus Wende / Vratisl.*

V. Epilogus, *Johan. Fridricus Rantner / Schotk.*

His ita expeditis Magnifici & Amplissimi Senatus Præmia, singulis, qui dixerunt, tribuentur.

38(0)80

